



赤水玄珠

醫案

四十二

武  
816  
43



武  
516  
43



水玄珠醫案新都治驗五卷目錄

兄內傷飲食外感風邪一

程龍坵翁每行動即作熱發渴嘔惡腰與環跳穴

常痛二

汪松崗原傷於酒夜分發熱咳嗽咯血三

族妹經不行者八十日每飲食入腹即疼痛吐出

迺止四

孫華野喉痛頰車腫五

顯兄每辛苦及酒多則咯血數口六

吳遂兄温熱發黃七

族侄明之痰火上逆大吐痰沫因而嘔血一漏數

枕有發明

族嫂程氏肺癰九

侄媳葉氏身面四肢浮腫十

族侄孫伍仲善飲好內小便血淋疼痛十一

令眷吐紅發熱十二

亮卿令愛右目紅腫十三

大學少竹眼紅腫脹十四

一僕婦產後惡露不盡腹中作痛十五

程好吾令孫右耳後生毒腫痛十六

華岳令堂右手臂肢節脹痛十七

程兩峰令眷血痢十八

程七護兄臍腹右邊疼痛小水不利嘔吐不進食十九

程社貴兄醉後御色次早胃脘痛極二十

汪松崗令眷左脇痛咳嗽內熱二十一

贊皇令堂產後左脇痛甚二十二

許少峰中風先兆二十三

朱宅女眷熱入血室 二十四

孫熙宇肢節腫痛痰多嘔惡病多夢鬼 二十五

愛泉傷風咳嗽聲啞右邊不能貼席 二十六

侄婦戴氏有妊五月忽血大下午後發熱 二十七

靈岳廼眷胃腕疼痛頭暈舌麻 二十八

吳人峰先生內人兩脇脹急痛拒胃腕 二十九

陳鉄兄內人產後腹痛發熱下痢膿血 三十

程石洲廼眷因產難子死憂悶小腹有塊作痛復因多食圓眼腹益大脹堅如石大如斗氣促不

安有發明

程嫗年八旬頭暈脚軟大便溏洩小水淋瀝 三十一

程道吾先生令政夜魘而驚時常暈厥 三十二

一僕婦瘟疫以勞食復作 三十四

程方塘年六十四風癱不能步者三載腿肉盡消 三十五

汪省吾瘡三日一發發於夜 三十六

汪東之丈七月初旬虛陽口瘡有發明 三十七

令眷姪中咳嗽 三十八

吳東渠瘡後虛憊 三十九

吳西源令眷以艱子多鬱多思肌肉盡削皮膚燥

揭遍身生瘡體如火燎 四十

族嫂程氏環跳穴邊腫痛寒熱并發不能動止 十四

恒宇瘡後遭跌環跳脫出不能復收 四十二

侄孫女周歲發慢驚 四十三

程少湖以飲生酒面浮胸脹 四十四

吳斗原有腸風又感風邪發熱多痰腹痛下痢 四十五

侄孫二水體甚肥胖患溫瘡症 四十六

堪輿張錫泉先生左脇皮裏膜外疼痛 四十七

族侄雲岳患偏墜臍腹腰俞脹痛 四十八

一婦妙齡感風寒致成鼻淵 四十九

程兩峰瘀血發黃吐出穢惡如爛猪肺狀大便色

如墨 五十 有發明

予表嫂小產後腹痛暈厥 五十一

陳士美傷寒熱症瀉底 五十二 有發明

程松逸兄酒疸 五十三

目錄終

赤水玄珠醫案新都治驗五卷

明新安生生子孫一奎文垣甫輯

門人 余煌

徐景奇

子 泰來

朋來

仝閱梓

新都治驗

瓊克內傷飲食外感風邪洒淅惡寒發熱煩躁不  
寧已經表汗瀉吐之後小水短赤口渴腹中疼

夜不能睡耳聾氣塞神魂不安懊懷不已予脉  
之兩寸滑大左關絃右關滑兩尺皆絃皆七至  
據此迺少陽陽明兩經合病仲景云渴而小便  
不利者當利其小便先與紫苓湯加竹茹進之  
耳稍聰稍得睡熱仍不退聞食氣即嘔以濟生  
竹茹湯加入參麥冬黃連外與辰砂六一散三  
錢服後神稍清手足心仍熱用竹葉石膏湯而  
熱亦不退且懊懷殊甚合目即譫語按仲景謂  
傷寒汗吐下後懊懷不得眠者熱在心胸之間

宜輕湧之以梔子豈豉湯主之服後晚間仍不  
得眠兩耳氣塞難當改以小柴胡湯合白虎湯  
進之即得睡睡中汗出二次耳頓通利因進食  
早又發熱口渴舌上黃胎此陽明餘熱復萌乃  
用石膏七錢甘草一錢知母三錢黃連一錢五  
分百合竹茹各一錢竹葉三十片急進而熱全  
退始得獲安

程龍坵翁每行動即作熱發渴嘔惡腰與環跳常  
痛脉左沉細右寸滑關尺濡弱此上焦有痰火

下焦有濕熱。治當流濕舒筋。然後施補。先用以  
仁三錢。蒼朮。歲靈。仙牛膝。黃栢。烏藥。葉紫。荆皮。  
各一錢。紅苓。桂皮。防己。各五分。水煎服。外以鹿  
茸。虎骨。晚蚕。沙。仙。茅。黃。栢。龜。板。蒼。朮。牛。膝。杜。仲。  
蜜丸服之而安。二

汪松崗翁。原傷於酒。夜分有熱。咳嗽咯血。不思飲  
食。左脇氣不調。左寸脈。芤。關。澁。尺弱。右寸短。關  
滑。此胃中痰火正旺。氣血俱虛。宜先清胃保肺。  
然後大補。麥冬。知母。寒水石。甘草。紫苑。人參。牡

丹皮。白芍。藥。當歸。貝母。桑白皮。煎服一帖。紅仍  
未止。加側柏葉。茅根。四帖而紅止。過後四月。又  
為怒氣所傷。血又動。左不能睡。飛仁。滑石。紅苓。  
當歸。人參。貝母。山。梔。仁。甘。草。香。附。青。皮。牡。丹。皮。  
煎服而安。予囑渠令子曰。寄語令堂。諸兄得意  
事。可與尊翁知之。如不得意者。切不可使之聞  
也。蓋肝為藏血之所。况血去多。肝火剛燥。心王  
不足。內經云。主不明則十二官危。不可不謹防  
之。且左不得眠。肝脹可知。予甚為尊翁慮。後三



年果為怒復乃命使迎予予固辭謝曰向曾訂  
囑今病之來非不佞所堪任也不逾旬而歿二  
族妹經不行者八十日每飲食入腹即疼痛必盡  
吐出乃止居常亦吐酸水上焦熱下焦寒大便  
半月始一行食飲不進者四十日六脉皆數左  
滑右軟弱妹能事者以其失多病且不諳世故  
由是怏怏病從思慮而得恐成膈症今大便燥  
結吐酸乃膈之徵急宜拂慮庶藥有功先與丁  
靈丸一粒而吐止繼用溫膽湯加大腹皮姜連

痛吐全安改以二陳湯加香附條芩山梔仁丹  
參砂仁調理兩月經行大便始潤而膈症斯不  
作矣四

孫華野脉沉絃而數喉痛頰車腫兩大陽作脹疼  
遍身皆脹痛增寒發熱乃痰火上壅而變風熱  
將欲作毒也宜急治之薄荷甘草升麻白芷石  
膏枳壳天荖粉桔梗大力子連翹玄參一帖而  
愈五

顯兄每辛苦及酒多則咯血數口脉兩寸皆短弱

關尺洪數。此胃中有痰火。而下焦有陰火。由壯  
年酒色所傷故耳。以丹參滑石各三錢。白芍藥  
二錢。麥冬貝母薤仁紫苑牡丹皮各一錢。當歸  
七分。甘草五分。煎服而安。六

歙邑吳遂兄。木商也。在吳興年七十。因冒雨勞力  
汗出。又以冷水澡浴。因而發熱口渴。心與背互  
相脹疼。小水長而赤。舌上黃胎。夜不得卧。眼目  
如金。皮膚盡黃。吳興之醫見之。遠走不敢措劑。  
謂其年高不宜此病。讚勸回家。乃敦訪予治。診

得左脉浮數。右濡弱。兩手皆有七至。予曰。此濕  
熱發黃症也。病雖重。年雖高。有是症。當有是藥。  
母用倉惶。乃以柴胡三錢。酒芍葛根青蒿香薷  
天荖粉各一錢。人參七分。粉草五分。連進二帖。  
晚得微汗。即能睡。次早熱退。其半舌胎稍淡潤。  
不焦燥矣。胸膈餘熱作煩。身黃如舊。以竹茹青  
蒿葛根各一錢。人參麥門冬天荖粉知母各八  
分。白芍藥六分。二帖。熱退食進。精神陡長。後與  
補中益氣湯。加青蒿麥門冬天荖粉十帖。而眼

目肌膚之黃盡釋然矣吳興諸公悉服其精當各錄方而傳七

族姪文學明之以作文過勞痰火上逆大吐痰沫因而嘔血一涌數椀昏暈汗出奄奄而卧畧不敢動稍動即嘔吐而血隨出色鮮紅飲食湯水皆不敢入入即吐而眩運血即隨之里有婺君程聞野氏為之診駭而走曰血如涌泉體熱脉大眩運而藥食難入但無佳兆乃速予治予診視畢語其乃兄勉之曰可生也何舉家張惶若

此勉之以程言告予予曰看症要圓活勿拘泥據經云心主血肝藏血又曰怒則氣上又曰脉虛身熱得之傷暑今左脉絛大右脉虛大明之不獨作文勞心動火且亦被怒傷肝抑又為暑所逼以致木火上升眩運作吐經曰諸風掉眩皆屬肝木諸嘔吐逆皆屬於火又諸動屬火內為木火上衝外為暑氣所迫故吐而汗多血隨吐出也醫貴識病有是病則有是藥予特以白丸子三錢解其暑氣清其痰飲抑其衝逆則吐

可止吐止氣平則血自能歸經服後果咯然而  
睡醒則吐止食進眩暈尋已繼用滑石香薷各  
三錢甘草五分黃連白扁豆各一錢五分竹茹  
一錢四帖全安

從嫂程氏年近五十患咳嗽吐鼻膿血一日夜一  
枕餘發熱晝輕夜重肌肉大瘦六脉浮而洪滑  
且數人皆謂吐血身熱脉大法在不治予曰此  
非吐血也此係醲酒傷肺又為怒氣所觸瘀  
血濁痰滯於肺之氣竅無從而出久之化而為

膿成肺癰也治宜開肺竅活血化痰使膿盡  
自愈也諸人治之二年不效予教以白芨薏以  
仁各三錢牡丹皮桔梗茜根歸尾山梔子貝母  
白芍藥各一錢甘草葶藶子各五分三十帖全  
愈後壽七十三以它病而終此疾再不復發九  
族姪媳葉氏年三十身面四肢浮腫漸而入腹腹  
大不可言眼泡腫而無縫飲食大減小水不利  
此氣滯水脹也以大腹皮茯苓皮姜黃蒼朮厚  
朴澤瀉木香烏藥陳皮服四劑而眼目能開飲

食稍進即為食傷而復腫予改用七傷丸調理  
全安十

族侄孫伍仲立年善飲好內小便血淋疼痛予以  
滑石甘草梢海金沙琥珀山梔子青蒿茅草根  
煎膏為丸梧桐子大每空心及食前燈心湯送  
下三錢不終劑而愈後五年因子遲服補下元  
藥過多血淋又發小便中痛極立而不能解必  
蹲下如婦女小解樣始能解出皆大血塊每行  
一二碗餘如是者半月諸通利清熱之劑靡不

遍嘗不應脉俱洪數予以五靈脂蒲黃甘草梢  
各二錢小薊龍牙草各三錢水煎空心服二帖  
而痛減半血仍舊改用蘘麥山梔子甘草各二  
錢茅根杜牛膝連葉車前草各三錢生地黄紫  
胡黃栢木通各一錢四帖痛全減血全止惟小  
便了而不了六脉亦和緩不似前矣後以人參  
葛根青蒿白朮茯苓甘草白芍藥升麻黃栢知  
母調理萬全十一

今春辰州太守石峰公女也吐紅發熱經水二十

日一行或一月行二次。白帶且多。胸高飽脹。脈  
洪數。以丹參生地山梔子白芍藥小薊鹿角膠  
水煎。臨服加入童便一酒盞。二十劑而瘳。十二  
亮卿令愛右目紅腫如腹中飽。眼乃能開。飢則眼  
不能開。此疳積虛寒症也。以夏枯草二錢甘草  
穀精草各一錢香附一錢伍分煎服四帖而安。  
十三

侄孫少竹。大學生也。眼紅腫脹。余嘗各以苦寒治  
時疾之劑與之。眼愈腫且增。而太陽痛。前藥中

再加石膏。不惟眼腫不消。頭痛不止。且令遍身  
脹悶。寢食俱廢。予為脉之絃大而無力。乃用蔓  
荊子桑白皮柴胡香附夏枯草甘草芽茶。一帖  
而痛定。西帖腫消。四帖全瘳。十四

一僕娘。產後惡露不盡。腹中作痛。且冒風咳嗽。嘔  
吐頭暈。脚麻木。不知痛痒。亦不能轉側。與糖迷  
子紫蘊旋覆花烏藥五靈脂茯苓川芎當歸澤  
蘭葉玄胡索。加砂糖煎服。而痛止。再進惡露行。  
咳嗽嘔吐皆愈。十五

上舍程好吾公令孫右耳後生一毒腫痛遍身生  
大泡瘡增寒發熱與金銀苓當歸尾甘草赤芍  
連翹姜蚕大力子玄參兩劑而消十六  
華岳令堂年五十餘向來小水短少今則右背鹽  
匙骨邊一點痛夜尤痛已經半月醫治不效展  
轉加劇即於右邊手臂肢節皆脹痛筋皆暴起  
肌肉上生紅點子脉兩手皆滑數右尺軟弱乃  
濕熱傷筋而成痛痺以東垣舒經湯為主羌活  
升麻莖仁麻黃紅苓當歸防風甘草獨活猪苓

黃栢防已知毋黃連兩帖痛減腫消再亦不發  
十七

由溪程兩峰丈內人患血痢裏急後重嘔吐不納  
穀兩寸脉洪大以竹茹溫膽湯加姜連滑石搗  
紅酒芥水煎服二帖大便結實膿血皆止惟後  
重與枳壳當歸芍藥生地桃仁條芩甘草滑石  
酒連四帖全安十八

由溪程七護兄臍腹右邊疼痛小水短少大便四  
日未行嘔吐不能進食舌上白胎面青手冷勢

甚危急脉之左沉伏右滑大有力予曰此痰格中焦氣閉下焦故大小便秘而不利氣逆嘔吐也不急治即無救矣與相樹東行根皮二錢滑石三錢枳實仁青皮枳實枳即各一錢水煎服之夜半吐以膠痰碗餘大便未行痛亦不減次日改用玄胡索五錢水煎臨服調下玄明粉三錢辰刻服下午刻痛減大半未刻大便始行右脉平而左脉起矣覺體倦無力以生脉散加甘草山梔仁黃栢芍藥以仁陳皮調理如故十九

由溪程社貴兄先醉酒後御色次早四肢冷胃脘痛極脉僅四至先醫以鬱火為治投以寒涼痛更增極三日前所食西瓜仍吐出不化乃翁以為陰症傷寒欲用附子理中湯不決遂予治之予觀其面色青慘叫痛而聲不揚坐卧煩亂予曰此霍亂兼魀厥症也先當止痛安魀後理霍亂可免死也遲則誤事矣急用五靈脂醋炒三錢蒼朮一錢五分烏梅三枚川椒炮姜桂心各五分水煎飲下痛減大半下午以大腹皮藿香



半夏陳皮山查五靈脂茯苓兩帖全安二十

汪松崗令眷左脇疼咳嗽內熱每咳則脇下吊痛

寢食大減與青皮香附甘草芍藥訶子山梔子

貝母茯苓柴胡薤仁滑石人參水煎飲之熱除

痛減二十一

文學贊皇令堂產後左脇痛甚咳嗽痰不易出內

熱氣壅不能伏枕予以瓜蒌仁六錢桑白皮紫

蘓子杏仁半夏桔梗枳壳各一錢水煎服之而

氣壅定嗽漸減除外與保和丸及七製化痰丸

而安二十二

許少峰胃中有痰肝胆經有鬱火心血不足面色

黑而枯燥肢節疼痛健忘精神恍惚內熱將有

中風之兆左寸細數關絃數右關重按滑兩尺

弱治宜清肝胆之鬱火而養心神消胃中之痰

涎而生氣血使神帥氣氣帥血氣血周流經絡

無壅則諸疾不期愈而自愈矣何中風之有哉

用石菖蒲黃連白茯苓半夏酸棗仁天麻橘紅

各一兩牛胆南星三兩白姜番青黛木香各五

錢柴胡七錢五分竹瀝生姜汁打神麩糊為丸  
菜菔大每食後及夜茶湯任下二錢一日二三  
次服完神氣大健肢節皆舒面色開而手足輕  
健種又皆瘳少峰曰吾生平服藥少効不期此  
方之神若是不能自服有功即諸親友有痰火  
者服之莫不響應二十三

朱宅女春經水行一月不止每黃昏先寒後熱遍  
身疼痛胸前脹悶不通必欲大喊叫喚用手於  
喉中幹而吐出痰涎乃寬今且渴甚此痰飲瘧

疾今飲食不進夜如見鬼者乃熱入血室也用  
小柴胡湯加生地黄丹皮陳皮菀仁兩帖後以  
白朮三錢何首烏二錢陳皮麥芽各一錢烏梅  
一枚生姜三片水煎服之而寒熱止諸症皆安  
二十四

孫熙宇肢節腫痛痰多嘔惡胸中氣不暢達語言  
亦不清利夜夢皆亡人野鬼追陪精神慘惡驚  
恐不安且汗多不止飲食減三之二遠近名家  
醫治逾月不應數予為治診其脉左手甚弱汗

多故也。右手滑大痰飲濕熱而然。法當補飲。前醫皆作風治。而用疎散洩其元神。將成柔痙。予以人參、麥門冬、五味子、白芍藥、當歸、以仁、陳皮、石斛、木瓜、甘草、白木、桂枝。服此汗大斂。而神思稍清。吐亦止矣。惟飲食不思。夜夢與亡人同遊。為惡耳。改用人參、黃耆、枸杞子、以仁、白木各一錢五分。當歸、遠志、茯苓、木瓜、陳皮各一錢。甘草五分。水二鍾。入雄猪心血一枚煎。作八分飲之。四帖乃能睡。始夢生人不復夢亡人矣。二十五

愛泉上年十月因傷風咳嗽。即時斂啞。繼聞父亦過憂。右邊不能貼席。而睡醫以滋陰降火之劑治之。半年肌肉大削。大便溏瀉。飲食減少。咳嗽斂啞有加。喉且疼痛。迎予為治。診得六脉俱絃。數此憂傷肺思傷脾症也。危急甚矣。以白木茯苓、陳皮、粉草、以仁、桔梗、柴胡、桑白皮、酒炒白芍藥、澤瀉、麦芽、山查、煎服二日。再以荆芥、桔梗、玄參、甘草、茯苓、白芍、酒連、扁豆、山藥、山查、木通、服此而右邊可睡矣。改用參苓白朮散加白芍藥。

烏梅訶子酒連山查調理而愈二十六

任婦戴氏有孕已五月矣。忽血大。下午後發戰。六脉俱數。左寸滑大。右關搏指。左關軟弱。予以白芍藥二錢。生地阿膠人參蒲黃各一錢。柴胡香附地榆荆芥穗各七分。甘草五分。煎服。午後發寒熱。每夜凡三次。頭痛惡心。腹中塊硬。所下血塊甚多。心下怯力。此虛無疑也。以補中益氣湯加阿膠炮姜白芍藥烏梅煎服。下午右眼白珠發。一白泡。光腫下垂。而面亦腫。此虛火遊行無

制之症。其夜大發寒熱。指爪皆黑。唇白。汗腹中作痛。牽引兩乳皆痛。仍以補中益氣湯加阿膠白芍藥桂枝五味子麥冬。服後熱退。汗止。渴除。神氣稍定。乃有生意。次日咳嗽而胎墮。即以獨參湯繼服。其夜腸鳴瀉二次。以人參白朮各三錢。炙甘草一錢五分。炮姜一錢。桂心茯苓各五分。陳皮七分。蓮子大棗煎服。後因咳嗽。以四君子加炮姜五味子紫苑調理而愈。二十七  
靈岳乃眷胃脘疼痛。心熱頭暈舌麻。兩太陽痛。

背心亦脹。內熱而外惡寒。必厚被蓋覆得微汗。廼解。二陳湯加桔梗杏仁桑白皮枳壳青皮白芥子蘿蔔子酒苓煎服兩帖。舌竟不麻。晚因食鷄過多。高上氣滯。二陳湯加蘿蔔子枳實山查川芎香附酒連調理全愈。二十八

歙溪南吳人峰先生。內人兩脇脹急。抵於胃脘。作痛。又一陣則汗出。一番兩額紅。唇口亦紅。飲食湯水飲之。立吐不受者。三日夜矣。予為診之。兩寸脈洪大。兩尺沉微。予以井水半碗。白滾湯半

碗和之。名曰陰陽湯。用此調玄明粉一錢五分。服之不惟不吐。痛減半矣。少頃大便行二次。因食豆腐及粥太早。而痛復萌。唇臉皆紅。此必有魚故如是也。與白芍藥桂枝粉草烏梅荖椒五靈脂杏仁水煎。痛廼定。其大半再與蒼朮厚朴山查枳實荖荖玄胡索香附一帖全止。但心背皮膚外疼。不能着席而睡。以川芎當歸白朮厚朴大腹皮粉草荖荖香附陳皮半夏調養全愈。

陳鉄兄內人產後腹痛發熱下痢膿血裏急後重  
 川芎二錢當歸三錢茯苓乾姜肉桂山查陳皮  
 酒炒白芍藥白木各一錢粉草五分一帖而腹  
 痛止痢輕後重亦除惟發寒熱多汗改用人參  
 白芍藥桂枝粉草川芎當歸白木茯苓香附陳  
 皮山查再劑而諸症如釋三十

程石洲乃眷因產難子死憂悶小腹有塊作痛下  
 午發熱不思飲食次早診之脉右大於左者三  
 倍且數與芎歸湯加糖棗子澤蘭葉肉桂次日

下午腰腹脹痛詰之晌午食圓眼一斤矣從此  
 小腹漸脹大便三日未行早晨鼻衄夜間極熱  
 口渴脉大無緒勢甚危急用川芎當歸紅苓桃  
 仁青皮枳即莪朮山查水煎調玄明粉二錢服  
 後大便稍行結糞二枚安而就寢醒後進粥稍  
 多又復脹痛腹大如斗堅如石氣促不安勢危  
 至此亦已極矣迺與五靈脂糖棗子各四錢凌  
 霄苓二錢赤芍藥一錢服後大便通腹軟氣定  
 始可進粥漸有平氣但脉仍鼓指此腹中積滯

尚多不可不因其時而驅去也。用糖毬子、大黃各三錢、飛仁二錢、桂心、紅苓各五分、炙甘草七分、水煎。臨服調玄明粉一錢五分。其夜下黑糞四次。熱始退。上腹雖消。臍下仍大。仍以桃仁承氣加山查、滑石、紅苓煎飲之。五更大便行。臍腹脹又漸減。後與積塊丸調理全消。是役也。女流只知女科專門為仗。故前發熱腹痛之時。彼專門不察虛實。即以常套十全大補湯投之。詎知圓眼肉初入腹之時不覺。少頃漸又脹開。故腹

亦因之而脹也。且其味甘。尤能作滯。復加地黃、參、木、寧、不塞其塞哉。由是而成大瀉大堅之症。內經謂中滿者瀉之於內。良以此夫。彼亦泥乎丹溪產後須當大補氣血之誤也。三十一  
程宅一老嫗年八十餘。常頭暈脚軟。撐載上身不起。行須人扶。否則眩暈跌仆。大便澆洩。小水淋瀝。此下元虛憊所致。以人參、黃芪、白朮、薏仁各二錢、山茱萸、杜仲、茯苓各一錢、陳皮、山藥粉草各八分。八帖而愈。三十二

文學程道吾先生，夜為憂，驚時常暈厥，精神恍惚，一日三五發，咳嗽，面色青，不思飲食，日惟啖牛肉脯數塊而已。時師屢治無功，吳渤海視為寒痰作厥，投以附子肉桂，而厥尤加逆，予為治，診左脈絃，右脈滑，兩寸稍短，道吾先令眷二皆卒於瘵，知其為傳屍瘵症也，不易治之，迺權以壯神補養之劑，消息調理，俟飲食進，胃氣轉始，可用正治之法。姑用人參茯苓栝子仁石菖蒲遠志丹參當歸石斛以補養神氣，以陳

太上渾元丹

皮貝母甘草紫苑化痰治嗽服半月而無進速迺為製太上渾元丹藥用紫河車一具辰砂釐甲犀角各一两鹿角膠紫石英石斛各八錢沉香乳香安息香茯苓紫苑牛膝人參各五錢射香五分煉蜜為丸赤豆大每早晚鹽湯或酒送下三十六丸又製霹靂出獵丹藥用牛黃狗寶阿魏安息各一錢虎頭骨五錢啄木鳥一隻獺爪一枚敗鼓心破皮三錢射香五分天靈蓋一箇煉蜜為丸雄黃三錢為衣每五更空心葱白

霹靂出獵丹



湯送下五分。三五日服一次。與太土渾元丹相  
魚服。服半月。精神頓異。不似前時恍惚矣。但  
小腹左邊一點疼。前煎藥中加白芍藥一錢。服  
之一月。精神大好。暈厥再不發矣。次年生一女。  
其宅瘡疾從此再亦不傳。三十三  
一僕婦年三十。患瘟疫。一月餘矣。非勞復。即食復。  
今則發熱咳嗽。胸脇疼。耳聾口渴。大便七八日  
不行。不知人事。迺與柴胡石膏各三錢。瓜萸桔  
梗枳壳各一錢五分。黃芩前胡各一錢。天荅粉

一分。甘草五分。黃連一分。急煎服之。人事稍  
因。大便不行。次日以大柴胡湯下之。又次日大  
便雖行。熱仍不退。改以柴胡二錢。白芍藥黃芩  
麥門冬各一錢。天荅粉茯苓甘草各六分。四帖  
而愈。三十四

參軍程方塘翁年六十四。向以強壯服溫補下元  
藥太多。冬月下身著單袴。立溪邊督工。受寒致  
筋骨疼痛。肩井缺盆脚膝跟踝手肘掌後及骨  
節動處皆紅腫而痛。臥床褥三年。吳中溪親為

強呼與反卵餅不成

新卷五  
虛而用虎潛丸。吳渤海視為寒而用大附子肉桂鹿茸。徐東臯認為濕周皜認為血虛張甲認為風李乙認為歷節百治不瘳。腿間大肉盡消。惟各骨節處腫大而疼。予適在程道吾宅。迺逆予診之。其脉絃濇有力。知其為濕熱痰火被寒氣凝滯固濇經絡也。即為藥劑不對。故病日加。所取者目中精神尚在。胃氣仍未全損。但小便解下以瓦盆盛之。少刻則澄結為砂。色紅而濁。兩膝下及脚指皆生大瘡。瘡靨如靴釘狀。此皆

平昔服溫補春方所致。病雖久。年雖高。猶為有餘之疾。不可因高年疾痼棄不治也。迺特為先驅逐經絡中凝滯。然後健脾消痰。俾新痰不生。氣血日長。最後以補劑收功。斯得矣。翁生平好補畏攻。故進門者皆務迎合。予獨反之。以新取歲靈仙一斤。裝新竹筒中。入燒酒二斤。塞筒口。剝去筒外青皮。重湯煮三炷。官香為度。取出。歲靈仙晒乾。為末。用竹瀝打糊。為丸。梧桐子大。每早晚酒送下。一錢。一日服二次。五日後大便秘瀉。

出稠粘痰積半桶腫痛消去大半改以人參石  
斛蒼朮黃柏以仁蒼耳子牛膝烏藥葉龜板紅  
蒼犀角屑木通煎服二十帖又用前末藥服三  
日又下痰積如前之半仍以前煎藥服半月又  
將末藥服三日腹中痰漸少乃為製丸藥以虎  
骨晚蚕沙蒼朮黃柏丹參杜牛膝莖葉以仁紅  
苓五加皮蒼耳子龜板酒打麵糊為丸梧桐子  
大每空心白湯送下七八十九外以丹溪保和  
丸食後服半年全愈腿肉復完步履如故三十

五

汪省吾暮秋患癰三日一次發於夜迨次年仲春  
猶不能止遍身疼痛頭疼背脊疼百治不應即灸  
亦僅止得一日次日仍發面色青肌肉瘦以症  
叅之邪在足太陽經用麻黃一錢五分人參桂  
枝白芍藥粉草知母各一錢陳皮貝母各七分  
姜朮煎服諸疼減半而瘡未止以何首烏白朮  
各五錢青蒿一錢烏梅一箇陳皮二錢生姜三  
大片水煎服發日五更服尋常以六君子湯加

黃耆柴胡五味子烏梅草果調理而愈三十七六  
汪東之丈七月初旬自浙歸連日與客手譚過勞  
口中生瘡醫以香薷飲清胃湯瀉黃湯三黃丸  
黃連解毒湯白虎湯涼膈散凡治上焦熱症之  
劑竭寒涼而進之者十一日矣口瘡日甚一日  
不但飲食不進即藥亦難下咽因瘡延及於喉  
也逆予為診其脈六部俱豁大無力診罷有外  
科陳氏者自稱喉舌專門銜其口痺敷藥之妙  
予曰汝試為口中一洗看是何狀纔開口見涎

沫迷漫不能得見肉色陳以荊芥湯洗而引之  
攪出稠涎一二椀餘傾於地上偶有二鷄爭啄  
之二雞立斃其毒何如此亦疾之奇者予囑陳  
曰汝用藥只可吹入喉中切不可敷其舌必俟  
喉中全好然後敷舌待舌好再敷口唇甚母得  
槩敷恐毒無出路反攻入喉極為悞事陳曰諾  
予對乃翁曰令郎之疾廼虛陽口瘡也翁曰當  
用何劑予曰附子理中湯煎熟待冷飲之可救  
如它藥不能立功翁曰瘡乃熱症况身已熱

又天時酷暑大熱之劑其敢進乎。予曰此陰盛格陽之症初未嘗如此。因服寒涼過劑激之使然。爾翁不看其兩足膝下皆冷乎。翁用手探足下果冷乃欣然聽用人參白朮各三錢大附子炮姜炙甘草各一錢水煎冷與之服後即甦睡達旦。次早便能食粥半盞足膝下漸暖藥仍如前。早飯後予與二三友散步山溪。乍刻歸來乃見舉家大慟於地。見予至哭語予曰不可為矣。本是熱病誤服熱藥。今舌腫大塞滿口中不能

言語死在頃刻。柰何柰何。予駭然應曰安得有是不祥語也。今晨診脈與昨不二。適往返不過二時許。何條爾有此大變乎。待予再診決之。及診六脈漸歛較昨大有神氣。面色亦和。獨舌脹大。予心知為陳寒涼敷藥所致也。廼詰陳曰。我別後可用敷藥否。陳點首曰。已二次矣。予撫翁及諸人曰。無慟立看予為翁消之急。取官桂研末五錢用生姜自然汁調塗舌上。絕塗上。但見眼淚雙流。鼻中涕出口內涎垂舌。頓去語近

觀 觀之俗字觀音  
但同視也

侍曰我無事矣。諸環侍者男婦不下。其士皆面  
面相覷。以為神奇。予曰。可即取粥與食。使厭之。  
庶虛火不再升。適古脹滿者。乃敷藥寒涼。閉其  
毒氣。毒無從出。故作脹耳。桂皮乃辛熱之物。又  
以姜汁調塗。取辛散之義也。諸人皆服。其論三  
十七

東之丈令眷。婚已六月。為傷風咳嗽。腹中弔痰。痰  
壅喉音不清。頭且眩暈。脉左滑數。右寸弱。關滑  
左尺有力。右尺弱。予以人參白朮陳皮貝母茯苓

苓桔梗桑白皮紫蘇粉草黃芩前胡四帖而  
全愈 三十八

吳東渠年五十有七。因上年患癰。胸痞作脹。肌肉  
大削。因連服攻劑。太連脾胃敗壞。膝及跟踝皆  
浮腫。遍身發熱。口渴。小便短赤。舌上黃胎。舌心  
焦煤。乾燥。誤服寒涼。大便連瀉五六次。目不能  
開。手足無力。倦於言語。予診之。六部俱浮大。按  
之豁然。空虛。飲食不進。此中氣大虛。元神俱脫。  
可畏之甚。即以人參白朮茯苓粉草香薷根

酒炒白芍藥水煎服之連進二帖始能開目漸  
出叢言語後以六君子湯去半夏加葛根白扁  
豆山藥藿香以仁白芍藥石斛調理而愈三十  
九

吳西源令眷因未有子多鬱多思肌肉漸瘦皮膚  
燥揭遍身生瘡體如火燎胸膈脹痛而應於背  
咳嗽不住口醫治十越月余以為瘵疾不可治  
知予在程方塘宅中適遇予治膠得右寸關俱  
滑大有力左絃數予以瓜蒌仁四錢蘿蔔子貝

母枳壳調氣化痰開鬱為君桑白皮葶藶子黃  
芩瀉肺火為臣甘草前胡為使三十帖全愈仍  
以千金化痰丸調理向來年又至冬月則咳嗽  
痰喘不能睡自此後遇冬月痰喘再不復發

族嫂程氏環跳穴邊腫痛增寒發熱不能動止寐  
食俱廢頭重惡心上身熱下身冷天明乃退口  
乾舌上白胎甚厚以柴胡防風桂枝解其寒熱  
以蒼朮黃柏五加皮苑仁赤芍藥治其痛木通

利其濕熱且引火下行甘草調和諸藥使各得  
職一帖而痛止大半再進寒熱除三帖痛全減  
去改以小柴胡湯加牡丹枳壳桔梗二帖而舌  
胎脫然四十一

上舍恒宇先生原因生楊梅瘡後偶遭一跌環跳  
脫出不能復入窠白疼痛殊甚兩足因長短不  
齊予思不能復入窠與者以瘀血流入窠白占  
滿故竅致骨不得復入也今但消去瘀血必以  
行氣活血之劑為主以下行嚮導之劑佐之庶

可復原用陳年窖中磚瓦洗淨煨過四兩生地  
杜牛膝骨碎補丹參赤芍各一兩五錢自然銅  
三兩蒲黃車前子蘊木各一兩鹿角二兩玄明  
粉五錢各為末以茅草根一斤紅苓四兩煎膏  
拌晒前藥再煉蜜為丸梧桐子大每空心及  
食前酒送下八九十九未服此藥之先病足長  
二寸餘服此丸藥後只差半寸設再製丸服必  
能萬全惜渠素畏藥中道而止故功虧一簣也  
豈勝嘆哉四十三



族姪孫女一週歲時發慢驚眼開手拳目不動移  
脚指微動先自顛門後遍身如火喉中痰聲口  
中痰沫腹脹放屁大便亦行先以牛黃丸蘊合  
香丸進之不効及各治驚治痰等藥與之皆不  
受即從痰沫流出用通關散吹入鼻中亦不作  
噴自申時至戌時猶不能醒面色素青而白氣  
稟甚弱因婢者抱而偶失跌受驚發熱此驚氣  
乘虛而入在法已無生路但不忍坐視姑以人  
參三錢生姜自然汁拌炒煎湯頻服用匙挑入

口中初二三四匙皆不受後又與五六匙偶能  
入一二匙下喉便覺痰聲稍緩因此頻又與之  
十匙之中有二三匙入腹矣喉中氣轉目便能  
動始有生意再以六君子湯加天麻石菖蒲姜  
蚕澤瀉薄荷煎服至鷄鳴時乃畧啼一二聲方  
識吮乳次日咳嗽語聲不出小水短少以辰砂  
益元散一錢用灯心湯調下熱退聲出惟嗽不  
盡止改以四君子湯加陳皮五味子麥門冬桑  
白皮桔梗杏仁薄荷一帖全愈

新音五卷

四十三

程少湖因飲生酒食硬乾豆腐以致次日面上浮腫胸中作脹今經半年腹中腸鳴四肢浮腫兩腿及陰囊皆腫口乾大小便俱不利年四十六矣夜卧氣喘膝下冷先以人參蒼朮陳皮蘿蔔子半夏麩葛根厚朴枳實破故紙大附子茯苓煎服二帖氣喘稍定腹中仍鳴加白苳仁白芥子桑白皮小水頗利浮腫漸消四十四

吳斗一夫歙溪南人也八月初旬自新都往湖州途次偶感風邪發熱多痰且又腹痛下痢裏急

後重原有腸風下血之疾又以舊年乃翁痢疾發熱卒於湖州心甚恐怖予脉之兩關滑大有方尺寸俱不足乃以白芍藥一半生一半酒炒五錢止痛為君當歸活血酒連酒芍柴胡桔梗清熱升提陽氣為臣枳壳槐花兼治腸風為佐益元散木香以實大腸山查以消瘀血調肝安脾為裨佐一帖熱減半痢稍輕次日仍用前藥外與丹溪保和丸調理五日而出戶四十五

侄孫二水年三十體甚肥胖夏月常浸在溪中昨

於松陰之下。至八日。大發寒熱。於巳午間。至天明。乃退。不能起床。飲食亦不進。嘔吐黃苦胆汁。胸膈脹悶。舌上乾燥。生芒刺。沉香色。強硬。不能言語。必含冷水。漱之。始能說一句。若再語三語。必三噲水。而後可。惟西瓜新藕。是啖。先發寒熱之日。吐血一口。今則大便下血。症甚危惡。且咳嗽。此溫瘧症也。由醫失解散。遽用黃芩。以閉邪氣。致成大禍。今法當清解。止吐。俾飲食進。然後庶可保其生也。柴胡知母各三錢。石膏七錢。葛

根二錢。橘紅竹茹各一錢。伍分。酒芩枳實各二錢。甘草貝母各五分。水煎服之。三帖而吐止。改用二陳湯。加柴胡枳實黃芩黃連天冬粉黛甲白朮何首烏。調理而愈。迺囑其不可食葷。食葷早恐復發也。四十六

堪輿張錫泉先生患左脇皮裏膜外疼痛。有惡寒發熱之狀。以白芥子一錢五分。川芎柴胡桔梗各一錢。桂枝甘草各五分。水煎飲之。當愈其半。次日以八珍湯加青皮為君。木香為佐。柴胡為

使一帖全愈四十七

族侄雲岳患偏墜臍腹腰俞俱脹而痛左關脉絃  
大鼓指用小茴香甘草蒼朮益智仁防風各五  
分荔枝核橘核糖棗子柴胡各一錢山梔子青  
皮各七分服後其痛如舊脉且轉數恐作囊癰  
急為解毒瓜萸五錢當歸甘草節金銀荅各一  
錢連翹柴胡青皮各七分水煎服之痛定腫消  
因食雞魚太早次日臍腹又作脹痛發熱不能  
睡昨日囊消後絃脉盡退今復絃矣改以山查

瓜萸各二錢金銀荅柴胡連翹各八分甘草節  
黃連當歸各五分青皮七分兩帖而愈四十八  
一婦時方妙齡表虛易感風寒致成鼻淵流清涕  
不止便覺頭運兩太陽常作疼且多嗜嚏脉之  
兩寸洪大用秦艽酒苓桑白皮馬兜鈴各八分  
白芍一錢滑石石膏各二錢枳壳蔓荊子各五  
分甘草三分四帖涕止病愈四十九

程兩峰大偶與乃侄稍有介蒂其晚飲於侄家歸  
覺腹中脹懣嘔噦不寧次日眼珠面色皆黃惡

寒發熱時當仲秋正瘧痢為癘之候醫作瘡治  
五心加熱下午潮熱煩躁但嘔不嘔且鼻衄腹  
痛大便黑如墨吐出黑血如爛猪肺者然約枕  
餘有謂所吐之物如此大便之黑又如彼但有中  
中蠱之象心疑乃怪毒之也正欲與乃怪爭辯  
予仲子泰來適在渠宅徐語渠諸郎君曰尊翁  
症尚可起顧不為救症而務與人聞何舍重而  
圖輕耶渠家素不急予仍迂所親信者率相視  
之見目珠如金面若薰橘腹大如斗其中有塊

大如櫟堅如石兩足下皆浮腫四肢且冷小便  
赤飲食不思莫不面面相覷辭而不藥舉家聞  
言通宵號泣惟欲攘臂爭鬪仲子泰來又語之  
曰家君固不敏其知識量不出諸公下昨自華  
陽歸迺而脰之當必有說舉家忻然數予求脰  
其脉左澁右滑予曰據滑脉主痰飲澁主有瘀  
血也今所吐所下皆瘀之徵斷非蠱也使得早  
從事曷有此猜忌此號泣哉兩峰曰吾生平頗  
謹疾瘵自何致予曰內經云怒則傷肝甚則嘔

血不嘔則積積而聚於經隧滿而溢也。兩峰曰：若謂從怒而致則此語恰當吾病源矣。敢請劑予用當歸尾三錢赤芍藥牡丹皮川芎各一錢五分玄胡索五靈脂秦仁各一錢滑石茜根各二錢水煎飲之。所下黑物甚多腹中仍痛塊猶未軟前方再加青皮山查酒蒸大黃服之。太便行三次黑痰及痰不計其數從此腹漸寬塊漸鎔面色稍轉而黃日退飲食津文有加四肢微溫有生氣矣。惟兩足浮腫不消改用六君子湯。

加炮姜茜根滑石青蒿調理而黑糞全無一月精神復舊里中謂予此役匪獨認病投劑為足稱且俾一宅釋猜疑排忿爭其雅誼尤足重也。五十

予有表嫂小產後腹痛暈厥冷汗淋淋遍身麻木心忤忤動左脉絕不應指虛極故也以當歸三錢川芎一錢五分人參荆芥穗燈火燒存性各一錢益母草澤蘭葉各八分甘草五分水煎飲之腹痛減惟忤忤不寧以四君子湯倍加黃芪。

為君當歸香附益母草為臣。川芎為佐。炮姜為使。兩劑而安。五十一

陳士美孤子也。年弱冠。由夢遺後。患頭疼發熱。時值仲夏。醫治不瘳。凡市中有名者。率延致轉治。轉熱反加水瀉。口渴日夜不得眠。者旬日。眾視為危時。有俞氏者。用參著白朮為其飲。汗止瀉而汗瀉愈劇。呻吟不間晝夜。勺粒不入口。咳嗽胸痞。躁悶不寧。又四日矣。渠親邵瓊林交予。因免邵逆予為治。診其脈左絃長。右洪大。俱七至。

古胎焦黃體若火燎。神昏氣促。予曰。此仲夏傷寒熱症也。邪在陽明少陽二經。其危不啻風中屬胡。時師不認症。察脈徒以夢遺受病。率投補劑。無怪乎轉治轉劇也。幸予至。設遲一日。大事去矣。用石膏五錢。柴胡知母各三錢。炙甘草白芍藥枳殼桔梗黃芩天花粉各一錢。粳米一撮。急煎飲之。夜半熱稍退。神稍靜。脈之仍數。甚繼以前劑。進天明乃得睡。覺而熱退。神清瀉止。鬲寬。惟口尚渴。再用柴胡一錢五分。白芍藥麥門

冬知母各一錢石膏三錢甘草五味子各五分  
人參七分服之舌潤渴止餘熱盡退粥飲始入  
漸向安矣次日忽兩足指前一截痛如犬噬不  
能耐以野蓼一握入明礬四兩煎湯薰洗痛勢  
稍緩又以薏以仁三錢木瓜二錢黃栢牛膝各  
一錢漢防已三分一帖而愈後又乾咳嗽晝夜  
不住口喉且疼胸脹而體畧熱此為誤服參朮  
太早之過用馬兜鈴百部御米壳各用蜜水製  
過一錢五味子甘草各五分百合二錢四帖而

愈五十二

程松逸兄患酒疸遍身皆黃尿如藥汁眼若金裝  
汗出沾衣如染胸膈痞滿口不知味四肢痠軟  
脉濡而數以四苓散加厚朴陳皮糖棗子麦芽  
葛根倍加青蒿水煎臨服加萱草根自然汁一  
小酒杯四帖其黃渙然脫去五十三



一、...  
 二、...  
 三、...  
 四、...  
 五、...  
 六、...  
 七、...  
 八、...  
 九、...  
 十、...

